





白隱集卷之三

校相裔世寧景叔著

五言律詩

聞王伯啓自淮之金陵

淮南攀桂樹遙繫故園心  
更渡長江去相思一水深  
客中惟寶劍海內重黃金  
莫向吳門月空歌白紵吟  
立秋日都下送子成歸

海內誰知已天涯更送君  
秋憐今日至客向野橋分  
去住皆游子鄉關望白雲  
離尊正悽愴落葉豈堪聞



送人還關中

山人懷帝闕白首到京華書上蓬萊殿身廻御苑花  
西風催塞鴈萬里渺烟沙遙望關河曲雲停處士家

春江曲

江水平如鏡耶溪望轉幽輕盈游女珮喧動采菱舟  
欲蕩青春目還生白紵愁何如竇家婦織錦上高樓

長干曲

妾住長千里別郎芳杜洲詎知蓬一斷却似水東流  
折柳誰堪寄落梅空自愁莫逢蓮女棹留滯越溪頭

驢馬

驢馬繫朱纓煌煌赤電生千金蒙一顧萬里爲君行  
落日城南戰因風塞下鳴只愁流血盡不罷漢家兵

采蘭曲

三月城東陌春芳日以微采蘭臨水曲零露濕羅衣  
塞上思應苦江南夢已違佳人不可見日暮悵忘歸

俠客行

翩翩幽薊郎意氣一何揚結客皆年少馳名在戰場  
一朝辭易水萬里入咸陽把劍雄風起飛虹貫日長



劉生

意氣五陵豪登壇仗節旄生來雙燕頰况有九龍韜  
細柳垂金甲連星璨寶刀君恩如可報軀命等鴻毛  
出塞

漢將欲平虜揚兵出塞嶠幕南空戰馬臺上望單于  
界柱標葱嶺屯田過草湖河源行且盡先獻海西圖  
入塞

沙海烽塵息將軍奏凱還九邊傳露布一夜到甘泉  
天子開麟閣都人望馬鞭定知金市裡甲第在今年

聞笛

何處吹羌笛龍吟入夜哀乍驚雲外落應向月中來  
楊柳春先報關山客未迴更愁三調罷飛盡漢宮梅

關山月

關山一片月揚彩射金微胡馬中宵動天街七暈圍  
將軍橫塞角少婦擣邊衣為有刀頭望長看破鏡飛  
梅花落

坐待梅花盡征人獨未歸宮粧臨鏡懶春信到邊稀  
斷縷驚龍管餘香入鳳幃持將花比貌空有淚沾衣



秋夜

今夜燕城館忽驚霜露侵寒砧薄暮急落葉下庭深  
爲客仍多病悲秋正苦吟誰家明月下吹笛更關心  
送僧淨賢之金陵

金陵元勝地山寺舊常過雲天望不極江海意如何  
羨爾隨緣去令人發興多東林期共覽歲暮恐蹉跎  
僧性霖還自姑蘇

汝汎東吳棹雲山去去深此中多寶地遊覽到如今  
想住高人室能忘入定心歸來尋舊業明月滿西林

春日塗中寄憶諸親友

游子情何極題書慰遠離懷人何以報春草倍相思  
客路如天遠鄉心屬鴈知愁來獨不見西北暮雲馳  
七夕過臨潼馮董二舉人招飲溫泉

相逢難此夜游宴過華清何處長生殿當時無限情  
山花還繡色宮樹滿秋聲罷酒中庭月蕭然客思生  
孟津樓

黃河秋水漲留客孟津樓舟繫青楓岼簾開白鷺洲  
風雲迷北望天地入東流却憶乘槎者當年亦壯遊



春鴈

春風纔幾日江鴈已春聲  
關路何時返鄉愁爲爾生  
望窮遙漢影不盡倚樓情  
却憶金河北人同出塞行

江樓江浦作

獨上望江樓烟波送客愁  
寒雲澹秋浦落日信漁舟  
地盡龜鼉窟天平蓼荻洲  
滄溟定不遠何處羽人丘

秋日同李汝承登雨花臺

山寺登臺晚開尊對落暉  
秋風起林杪霜葉亂衣  
芳歲憐將暮寒江獨未歸  
遙天看去鳥客思忽如飛

遊靈谷寺

遊覽龍山勝真如鹿苑  
行風濤萬樹落塔殿五雲平  
不見乘蘆客空懸出世情  
玉泉功德在一爲滌塵纓

東麓亭宴集

玄都陪上客看竹到東林  
時有風雲氣况聞鍾磬音  
坐看天闕近行入洞霄深  
若遇桃花水僊源好共尋

答李汝承寄書二首李時在揚州

長憶河干客遙傳尺素書  
忽令春草興飛傍紫雲居  
瓊觀應携酒僊橋幾駐車  
盈盈一水上還可寄雙魚



兩月三書至美人情更深烟霞開錦字江海見離心  
俱是遠遊客况多懷舊吟無因凌羽翰一聽廣陵琴  
答太和尹舉人兼訊其師兩湖陳子

江湖日悵望萬里一書來尊酒幾時共瑤華空自開  
聞持白雪賦欲上黃金臺為謝陳書記清朝獨愛才  
燕至

高樓新燕至憐爾到天涯繞棟雙雙語隨風去去斜  
往來同是客江海若為家春晚芳非盡飄零惜歲華

同部

白雲望不盡况復臨高臺秋色滿天地客愁何處來  
他鄉逢此日萬事且啣杯有酒不同醉山花空自開

春日遊徐公子西園園即故鳳皇臺

公子能留客春花復盡開且隨游宴侶一上古時臺  
天地還亭館江山落酒杯千秋懷勝事日暮更遲迴  
呂副郎寄乃翁扇索子題詩

持此瑤華扇能忘游子吟有懷湖水上遙寄楚山深  
朱夏開亭閣清風散竹林微凉如有託一慰望雲心



客鷺峰寺聞棹歌

古寺長干曲時聞鼓棹歌  
雲林吾已愜江海復如何  
坐想滄洲近興隨漁父多  
西津日薄暮看盡楚帆過  
同李子登石城望鳳皇臺

石城尋古跡獨有鳳皇臺  
鳳覽終何極江流去不迴  
繁華千載事春草共君來  
把酒青天月淒涼作賦才

同部僚遊燕之磯

春興燕磯遊臨江客思流  
物華得此日吾道且滄洲  
溟海元相接長風况未休  
片帆如可駕同此向蓬舟

聞蟬

流螢飛不止高樹忽蟬鳴  
爲爾鄉愁切因之秋思生  
風來正歷亂日暮益淒清  
雙鬢憐蕭颯恐多霜露情  
江上留別薛時化

鄉關元共里郎署况同遊  
別酒憐今日停雲起暮愁  
蓼花迷遠浦風葉亂孤舟  
誰謂離心隔相思江水流  
遊弘濟寺

古寺玉山岑懸厓繞洞林天  
臨江檻落雲望海門深  
僊侶元高興靈巖愜素心  
他時愛接遜與爾更相尋



寄當塗楊丞

江上新丞宰關西舊世家青山映官舍流水是生涯  
愛客惟傾酒逢春學種花有時松下坐吟眺亦堪嘉  
同沈子永福寺訪劉道人道人蓋百餘歲人其  
形貌類有知者因留宿寺中慨然有思于神僊  
之事二首

秋寺訪僊翁隨緣宿梵宮丹丘誰不慕黃石爾堪同  
終夜看調鶴令人想御風赤文能授簡他日遇空峒

二  
笑爾遊僊客松苓識歲年禽經常自戲鴻寶爲誰信  
秋夜隣相遇山房得共眠如聞天籟發于此悟真詮

留別楊太鑿濂二首

高人傳太素久已悟玄關世事今何有風流詎可攀  
每逢江上客常話海中山自有松芝訣期君蚤駐顏

二

終年常臥病因愛養生篇得爾能相慰他鄉亦自憐  
精神元有訓服食古來傳吾道終棲遯從君扣太玄  
贈何逸人



少負風雲氣，逍遙入暮年。一生談海嶽，得意即神仙。  
賈卜名元重，啣杯道自全。兩都真曠覽，贈爾遠遊篇。

眉州山亭見鴈

高亭聞鴈過，爲爾一憑欄。關塞何其遠，天風日以寒。  
迴翔秋水曲，忽起暮雲端。來處長安道，令人向北看。

行嘉州城

勝地三江匯，孤城撼水開。山當雲裡見，人似鏡中來。  
雉堞穿林入，彪旗映日迴。四方須猛士，登覽媿雄才。

送田郡博歸漢陽

微官仍罷去，江土別愁深。棄置今何歎，沉冥古所欽。  
鶴樓聞尚在，僊侶好相尋。予亦倦遊客，因之懷故林。

九日菊未開是日蜀府送酒

九日禁殘暑，菊花猶未開。微芳應有待，醴酒爲誰來。  
徒倚東籬下，蹉跎秋興摧。賞心那自遣，對爾且啣杯。

望棲霞寺

山行暮不正，天雨忽晴陰。多病還爲客，浮生底似今。  
况當煩暑日，重以倦遊心。攀望棲霞寺，其如澗水深。

舟中書事



春水今仍發派舟尚未歸宦情變發致客思片雲飛  
峽樹啼猿合巴江過鴈稀誰憐孤泊處取次換征衣

江上遊望

江臯雨新霽野曠遠山平飛鳥向空沒片帆何處橫  
春臨草色動日暮客愁生鄉路應無極望雲空復情  
春來不見鴈

春事看將罷巴東鴈不過滄洲空悵望客子意如何  
峽斷雲天隔江深風雨多短書誰爲達日夕渺烟波  
月夕再登合江樓有懷舊遊

往歲今宵月群遊眺水城江樓還獨上秋月爲誰明  
攬贈心仍切嬋娟夢易生天涯有高興應憶鑿帷情  
經始皇墓

雄圖不可見墟墓亦無憑寶箴應先發泉宮侈後稱  
只餘雙嶺月長作萬年燈山下東原道人人說霸陵  
嶽樓登望是日擬登嶽阻雨

嶽樓聊望嶽雷雨罷登臨終日緣何事十年空此心  
飛僊不可見倚檻一長吟還恐重來日雲天更似今  
靈濟宮夜坐



深夜玄宮客秋風感歲華平生蕭散趣復此上清家  
遲月情何已遊僊興未餘一聞步虛唱飄緲想接霞

中秋夜王檢計宅翫月

翫月宴高堂留懽興未央清光如有待秋夜一何長  
坐久天風發紛飛桂樹芳含情不可闕把酒意徬徨

題後岡山房

家在幽林下青天對草堂開門見山水終日命琴觴  
一繫郎官綬空留桂樹芳十年頻北望目極鴈雲長

答和孟衛原雪日寺中送別三首

朝來飛雪罷相送到西林尊酒難爲別天風淒以陰  
新詩能慰我高詠有遺音他日懷茲會江湖意更深

二

我再遊京國憐君獨苦吟過逢詩每就披玩夜常深  
白雪聞高調行雲動遠心直愁岐路別何處更知音

三

臨岐日已暮山寺更留連冰雪南歸客風沙萬里還  
異時詩寡和隨處夢相牽倘對遙天月清光各自憐  
望月有懷



春城對明月皎皎在東林忽憶隴山客其如漢水深  
仰天憐共遠中夜一長吟坐待清輝滅空餘攬贈心

中秋不見月

月賞罷今夕興來空倚樓浮雲何處起天柱定誰遊  
仰視涼颺發還爲桂樹留關山無限意聞笛更添愁

十七夜月

中秋不見月今始對晴輝素魄憐初減高樓興已違  
關山仍北望烏鵲尚南飛莫更浮雲起餘光正可依  
秋日遊張氏水亭

城外覺秋早林塘夕更嘉况當閒燕日能到野人  
舟蕩蒹葭水林流齒齒花驪駒且停奏吾意在烟霞

入太和山

夙駕趨名嶽遐心屬上清忽看高鳥過欲傍赤霄行  
歷歷經僊館迢迢指玉京前峰白雲起應慰帝鄉情  
遇真宮

不見僊人屣玄宮憶舊棲白雲深處處瑶草尚萋萋  
霞想心空結鸞乘望欲迷僧佃澗水曲落日萬山西  
宿玉虛宮



烟昏過澗水來就玉虛宮直向青霞外相隨宿鳥中  
入壇初步月別院已聞鐘數問靈芝杖明朝躡斗虹

南巖

落日懸丹嶂瑤天疊錦屏穿林出洞壑看鶴上僊亭  
雲並避心舉杯臨曠眺停遲迴向天柱烟霧晚冥冥  
宿紫霄宮

天柱看猶遠冥接向紫霄函臨星漢落風引磬笙飄  
月傍千巖寂神應五夜朝軒幢不可見側聽少虛謠  
將下山

中峰一臨眺將復下山來霞御今仍罷僊遊更幾迴  
遲紆雲起處延望羽飛臺忽見冲天鳥還令客思開

自鄖歸江行望太嶽

太嶽曾開眺金天耀五雲沿江挹秀色映日更氛氲  
天柱晴猶見鸞笙可再聞莫令玄晏社便擬北山文  
秋夕二首

原野先霜露草堂寒故侵夜來初鴈過牀下已虫吟  
合愴悲秋客彌增歲晏心移時猶佇立不爲月華臨



廻風翻墜葉落月半平林露坐空塔寂烟霏入夜深  
高樓誰弄笛萬戶復鳴砧愁絕秋聲急况多關塞心  
荅汪七峰見懷

寒夜能相過新詩更枉留天邊歸使節江上憶僂舟  
雲傍洞連宿月懸湘浦愁興來有高調還上岳陽樓

丘隅集卷三

丘隅集卷之四

殺初喬世寧景叔著

五言律詩

應城觀音巖瀑泉

靈巖深洞敞絕頂瀑泉飛酒傍高林落流通曲徑微  
慈雲常自覆法雨定相依對此滌煩惱澹然忘所歸

九日東湖道中

世事誰相逐朝朝未息機正逢菊令至却與賞心違  
目送歸鴻過雲將客思飛空山秋欲暮霜露幾時歸



西橋寺送客

古寺江之濱開門見遠山佳人能遽別幽事復相關  
情逐暮雲去興如流水閒從來臨勝地還可慰離顏  
商山訪馬谿田先生

故園足偃臥何事更商山野老今爲侶芝英擬駐顏  
行箴舟不繫吾道鳳難攀爲問草玄室何人數往還  
東沈子時沈子以候補客靈濟宮

爾任僊都館居然御苑西望來宮樹近情共夜鳥棲  
詔且公車待名還王署題未應歎留滯雙闕五雲齊

送侯鴻臚自楚歸

到處家無定胡爲更遠遊鄉關雲北望客思水東流  
莫問浮湘事翻增吊屈愁誰憐漢江上日暮一孤舟  
己未元日

中歲今逾七新年益自悲風雲多後進江漢憶前時  
短髮白餘幾屠蘇飲定遲春遊吾幸健誰共北山期  
長門怨

立盡長門月猶懸候輦心霓旌不可見執扇爲誰吟  
狂自顏如玉羞令賦賣金豈緣妾薄命空負主恩深



飲寧陵費尹

費令即陶令其如薄領何  
雪晴予偶過杯到且同歌  
好客情無厭新詩日以多  
預愁河上別相望渺烟波  
胡隱君歸環溪

聖代方招隱山人獨倦遊  
滄洲懷故業歸棹及新秋  
應對環溪水常爲不繫舟  
倘逢漁父過還問羽人丘  
朝睡

村野寂無事天明睡未央  
幽棲今始愜踈懶意何長  
地迥秋能蚤雨餘風乍涼  
休令山鳥聞吾擬憂黍皇

聞張子成不第與曹子常同客都下檢討內  
李子常過談詩聊短述寄憶

失意獨憐汝明時尚未逢  
世人誰辨玉吾技本屠龍  
羈旅同曹植新知遇李邕  
詎應歌偃蹇詞賦已儒宗  
聞曹子常不第候部選

十度看花候猶爲失路人  
雞群羞共侶龍性本難馴  
惜逝驚流水求官歎積薪  
折腰終不慣無奈俗人瞋

即事二首

臘月延三月雲州不解圍  
羽書猶未達烟火望全稀



野戰今能否惟謀有是非百年思將士一怒奉天威

二

天故驕強虜更番困朔雲關南皆輓餉間左半從軍  
亭障日流血孤危望救焚野人愁欲死聖主未曾聞

病懷

衰謝一何早秋風祇自歎年華不可駐本草更須看  
玉樹誰曾識金丹自古難逢人問生事高臥且加餐

昭陵六駿圖

世代如流水悠悠幾變遷殘碑留古跡六馬至今傳

尚想馳驅日應多將相賢所嗟人異馬空復歎凌烟

送張子成之襄陽學職三首

儒林清暇地况對漢江清望子悠然去真無吏隱名  
門應桃李爛風慰舞雩情好健凌霄羽乘春上玉京

二

聖代師儒重如君更可師漢濱風信美門下士應奇  
文共追秦古騷還繼楚辭後來南斗望入擬峴山碑

三

君到襄陽日絃歌盡日閒高才元杜孟勝覽足江山



多士隨容與題詩數往還莫忘瓊玉寄賴以慰離顏

對酒

日每臨謹讌何曾一醉眠竹林今已負蓮社况無緣  
那遣浮生苦還為達者憐閒居應自笑空對菊花前  
聞左少臣訪環室道人二首

野叟來何處東山結草廬久于人境絕恍見谷神初  
况近僊翁洞應藏玉笥書迷途君試問合授指南車

二

汝本沉冥者常懷玄晏翁過逢環堵室偃仰白雲中

定有遊僊詠無聞太素風何時還共我問道契參同

長安秋夕

西灝迴秋令天風夕以寒年華驚逝水客子繫長安  
墜葉聞宮井明河裊露盤霜期冉冉至莫遣怨幽蘭

時事感述二首

記未虜大入薊州庚申南  
京有軍變黃侍郎遇害

薊野今三輔山河險故聞誰令胡騎入畿甸滿妖氛  
日黯兵前草城荒戰後雲從來籌勝筭廡李是將軍

二

白下今年事還如代郡無分明干帝紀况乃闕天都



邊塞滿戎馬豺狼更爾徒舊遊曾此地垂淚向江湖  
武昌山行

日夜故山思况當歸鴈時武昌偶此過山水稱幽期  
雲樹看無極鄉園宛在斯遲迴臨路歎林鳥自應知  
鄭生爲余作林下圖因書圖後

多病棲林莽非關慕隱居蒼生猶繫念白髮劇愁予  
遂作丘隅叟常看柱下書莫將羅雀巷錯比臥龍廬  
丘中夏日二首

長夏炎蒸極丘中尚不禁北山猶阻絕何處更幽深  
時見孤雲起常懸望雨心南風向夕至倚樹一長吟  
二

避暑依林野寧辭溽暑侵况當憂旱日何以豁煩襟  
披幌迎山色移牀就樹陰繁蟬何處響爲爾忽驚心  
春暮

豈是悠悠者年華暗裡過偶來芳樹下祇見落花多  
逝景憐風雨含情付薜蘿沉吟日薄暮樂緒恐蹉跎  
聞河西警報二首

金城西五郡亭障至燉煌歲月常戎馬河湟盡戰場



人今須桂玉地豈固金湯諸將誰開府憂深定廟堂

二

上郡連烽火河湟更羽書一時傳警報中夜獨躊躇  
歲苦兵戈擾身憐老病餘名山猶未卜何處可閒居

西京故城

蕪城臨渭水知是漢長安王氣經時歇黃圖想像看  
望僊曾桂館承露更金盤今日皆荒草秋風立暮寒

過石門山

常慕巖棲侶名山幸此過却隨流水出空負採芝歌

臨路窺猿鳥遐心戀靜蘿定知余少事歸人入雲阿

再過石門山

石門今再過猶未謝人群何處藏丹洞依然望白雲  
詎知回馭後能免北山文且向松林下低徊坐夕曛

蘆溝橋

落木正悲秋征人出帝州去天猶咫尺立馬重含愁  
亦有河陽興况臨溝水流風沙日暮起何處望京樓

九日雨

荒村逢九日不見菊花開空對南山色何人送酒來



蕭條憐逝景風雨復相催客思那消遣天晴合上臺  
偶過

偶過青林下南風驟健人地幽炎暑避秋近晚涼新  
已果烟蘿性漸于山鳥馴鄰翁何以故猶自詫綸巾

輞川圖

往歲過藍水沿洄羨輞川畫圖今更見却是臥遊年  
宛對巖前樹神馳泝上田緬懷高隱處佳興渺翩翩

晚菊

嚴霜日以甚尚見菊盈欄遲暮元時序孤芳奈歲寒

臨風常自嗅把酒共誰看籬下頻須掃落英猶可

秋夜

涼夜空庭立秋聲何處來豈緣一葉下無乃亂砧催  
霜露宛相待關山意轉哀詎知月落盡徒倚未能迴

村居

故業西山下春深過雨時里門常獨往野老若爲期  
共話桑麻長那知歲月移行藏陶令是祇少去來辭

閨思

秋蟲喧四壁明月照流黃言念征人遠其如秋夜長



愁來空擣練河廣恨無梁祗向高樓上時看北鴈翔  
席間客盡醉歡甚自歎不飲

頗解浮生事悠悠世上人獨醒吾豈願白眼莫相瞋  
醉鄉應再世玄晏定前身却思千載上劉阮是天真

雨霽

夜風無驟雨積水四連村林野生秋色柴墟落漲痕  
雲歸猶擁樹日上始開門忽見南山出看山坐日昏

萬壽節

今日天長節帝京雲望遙鶴應盤露掌樂想奏僊韶

星宿三垣拱軒幢五夜朝懸知嵩祝處併獻玉清謠

山人

山人世故踈中歲已懸車跡已甘迂叟名猶誤薦書  
終然浮海性常戀白雲居爲謝山公啟嵇生懶未除  
搜張子成集稿

爲子搜遺稿才人世共憐文章闕盛事鐘鼎亦徒然  
元自名山出懸知萬古傳桓生常自歎獨識子雲玄  
寄憶嘉州任夢錫副使二首

鄭州相見後十載阻相求歸鴈秋風起青天萬里愁



雲停巴樹望月憶錦江流爲問凌雲寺烟霞是舊遊  
二

世途不可問良晤渺難期江草綠誰發江雲默爾思  
買田應附郭移舍想鄰池况復峨眉近遊山定有詩  
今狐德菜墓下二首

墓已荒禾黍空留兩墓碑苔荒不可辨樵採定誰知  
人代真流水山川見盛時遲迴墟墓下今古祗如斯  
二

宰相當年表文章百代垂故丘三里外今日幾人知

蘋藻還誰薦雲仍到處疑經行聊下馬徒爾歎蒿藜  
課耕

中歲厭風塵歸逢五柳春明時甘自負微尚與誰論  
荷耒元吾分遺安况古人山田良已薄足雨未愁貧  
秋夜河干

客子立河干烟波望渺漫鳴笳喧遠岫宿鷺起前灘  
車馬誰相逐天風夜獨寒楓林漁火近何事不投竿  
古意

秦女曳羅裳雲開見月光容華真絕代夫壻况爲郎



宛轉城隅路行歌陌上桑相逢五馬使爲爾立彷徨  
谷口有懷

原高山盡見杳靄望秦川何處高人室空名萬古傳  
徒懷招隱賦欲著感交篇渭水沉秋日停車獨黯然

贈徐逸人歸海上

爾自瀛東返方多海上傳河翁元避世關尹亦談玄  
一見長安市還歌白石篇靈樞猶未扣合訊後來緣

憶楚中諸生

往歲宣功令遠遊雲夢墟春風將蕙草隨處襲人裾

江上烟波渺秋來夢寐餘逢人時問訊九畹近何如  
輓温將軍

曾過將軍里人稱洛下雄殞星憐往日大樹起悲風  
關塞方多難泉丘奈此翁邛山野草合懷望意無窮

温襄陽哀詞

高才河洛重名宦楚秦知長路看君往中年得數奇  
墓依清澗曲淚墮峴山碑玉樹高庭發應銷泉下悲

望巖薛山

門對南山近開門即見山望中常紫氣元自接僊關



捐珮緣何事靈巖尚未攀  
遐心將去鳥縹緲翠微間  
苦雨

經月常陰雨愁霖正此時  
流雲低擁樹積水漫成陂  
鄰叟誰相過草堂開更遲  
南山那不見招隱曠心期

鄒御史封事

御史劾嚴少師罷之

闡汝臺章下名令四海知  
孤臣堪痛哭優詔荷皇慈  
日月迴天照風雲罷鼎司  
豺狼猶滿道激切正今時

聞嚴少師罷

元輔持衡久乾坤信轉移  
生來逢異數老去戀明時

今日承天語叩恩出鳳池  
雀羅曾相府世事已前知

郊園送客

郊園來送客忽漫對園芳  
且繫西林馬還流曲水觴  
驪駒歌屢促春草興何長  
共此探幽勝離憂忽已忘

游子吟效齊梁體

愁看芳草歇還逐斷蓬飛  
衣帶行將緩關山望已非  
天涯悲失路琴裡調思歸  
應念金閨月長懸錦字機

丘隅集卷四







